

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva zdravstva, Vlada Zeničko-dobojskog kantona, na 150. sjednici, održanoj dana 14.04.2022. godine, d o n o s i

ZAKLJUČAK

I.

Prima se na znanje Informacija Ministarstva zdravstva Zeničko-dobojskog kantona broj: 11-14-2005-8/17 od 07.04.2022. godine, koja je sastavni dio ovog zaključka.

II.

Zaključak stupa na snagu danom donošenja.

Broj: 02-_____ /22
Datum, 14.04.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo zdravstva,
1x Zavod zdravstvenog osiguranja Zeničko-dobojskog kantona,
putem Ministarstva,
1x JU Zavod za medicinu rada i sportsku medicinu
Zeničko-dobojskog kantona, putem Ministarstva,
1x a/a.

INFORMACIJA

Cilj Informacije je upoznati Vladu Zeničko-dobojskog kantona sa presudom Općinskog suda u Zenici broj: 43 0 Ps 143210 20 Ps 2 od 15.12.2021. godine, u pravnoj stvari tužitelja Željezara „Zenica“ d.o.o. Zenica „u stečaju“, protiv prvotuzenog Zeničko-dobojskog kantona, kojeg zastupa Kantonalno pravobranilaštvo Zenica i drugotuzenog Zavoda zdravstvenog osiguranja Zeničko-dobojskog kantona, radi utvrđivanja ništavosti ugovora, brisanja upisa i obeštećenja V.S. 13.620.000,00 KM i protivtužbi drugotuzenog radi isplate duga V.S. 20.724.543,99 KM.

Navedenu presudu Kantonalno pravobranilaštvo Zenica je dostavilo Ministarstvu zdravstva dopisom broj: P-2/21 od 04.01.2022. godine.

Ministarstvo zdravstva je navedenu presudu dopisima od 07.01.2022. godine, dostavilo Uredu premijera i JU Zavod za medicinu rada i sportsku medicinu Zeničko-dobojskog kantona.

Dopisom Ureda Premijera od 13.01.2022. godine od Ministarstva zdravstva je zatražena informacija, obzirom da je Kantonalno pravobranilaštvo Zenica u dopisu od 04.01.2022. godine, naglasilo da će uložiti žalbu na navedenu presudu i iznijelo stav da smatraju opravdanim da se i dalje predmetna stvar pokuša riješiti na drugi način.

Ministarstvo zdravstva je aktom od 17.01.2022. godine i urgencijom od 28.01.2022. godine, od Zavoda zdravstvenog osiguranja Zeničko-dobojskog kantona (u daljem tekstu: Zavod) kao dugotuzenog, zatražilo dostavljanje navedene informacije, radi upoznavanja Ureda Premijera i Vlade Kantona sa navedenom informacijom. Zavod je informaciju dostavio aktom od 01.02.2022. godine na način da je u informaciji citirao presudu Općinskog suda u Zenici, te izvjestio da će uložiti žalbu na presudu, a po pitanju mogućih posljedica navedeno je da je nezahvalno prognozirati obzirom da one zavise od stava drugostepenog suda po izjavljanim žalbama. Zavod nije predložio drugačiji način rješavanja predmetne stvari.

Dana 30.01.2017. godine tužitelj je podnio tužbu Općinskom sudu u Zenici, protiv prvotuzenog Zeničko-dobojskog kantona i drugotuzenog Zavoda, radi utvrđivanja ništavosti ugovora koji ovjeren na Općinskom sudu Zenica 17.08.1998. godine i aneksa ugovora koji ovjeren na Općinskom sudu Zenica 30.10.1998. godine, kojim je regulisano izmirenje obaveza tužitelja po osnovu doprinosa za zdravstveno, penzijsko-invalidskog osiguranja, poreza na platu i povrata pozajmice u ukupnom iznosu od 13.620.000,00 KM, izvršenih upisa u zemljišne knjige, te isplate iznosa od 13.620.000,00 KM koji tužitelj potražuje od prvotuzenog. U tužbi je dalje navedeno da je članom 3. ugovora regulisano da Željezara Zenica d.o.o. prenosi na Zeničko-dobojski kanton nekretninu Zavoda za medicinu rada sa ekonomskim dvorištem u površini od 11.083 m², (sa k.č. oznakama i brojem iz zk.ul. – kao u presudi), zajedno sa pripadajućom medicinskom opremom. U tužbi je dalje navedeno da je za iznos od 13.620.000,00 KM izvršeno kompenziranje obaveza tužioca po osnovu poreza, doprinosa i povrata pozajmice, da je kompenzacija provedena u poslovnim knjigama, a prvotuzeni je uknjižio pravo vlasništva na nekretninama.

U tužbi je dalje navedeno da je rješenjem Kantonalnog poreznog ureda Zenica od 24.08.2004. godine, utvrđena porezna obaveza tužitelja i naloženo tužitelju da izvrši uplatu iznosa od 27.595.890,48 KM sa kamatama, da je tužitelj pokrenuo upravni spor koji je okončan presudom Vrhovnog suda FBiH od 24.05.2012. godine, kojom je odbijen zahtjev tužitelja za vanredno prispitivanje sudske odluke, sa obrazloženjem da tužitelj nije mogao kompenzacijom izmiriti svoju obavezu po osnovu doprinosa koja je utvrđena rješenjem Kantonalnog poreznog ureda Zenica od 24.08.2004. godine, iz razloga što važeći materijalni propisi ne dozvoljavaju izmirenje obaveza po osnovu doprinosa kompenzacijom.

Općinski sud u Zenici je nakon provedenog parničnog postupka u kojem su između ostalih dokaza provedena i vještačenja po sudskim vještacima ekonomske, mašinske i građevinske struke, donio prethodno označenu presudu kojom je utvrdio da je ništav predmetni ugovor i aneks ugovora zaključen između tužitelja i prvotuzenog Zeničko-dobojskog kantona i

drugotuženog Zavoda iz razloga što su parnične stranke zaključile ugovor čiji je predmet nedopušten, odnosno kompenzirana su potraživanja za koje je to zakonom zabranjeno.

Presudom je naloženo Zemljišno-knjižnom uredu Općinskog suda u Zenici da uspostavi ranije zemljišno-knjižno stanje kakvo je bilo prije provedbe navedenog ugovora i aneksa ugovora.

Općinski sud u Zenici oglasio se nenadležnim u dijelu tužbenog zahtjeva drugotuženog da se tužitelju naloži isplata duga po osnovu neplaćenih doprinosa za zdravstveno osiguranje u iznosu od 6.207.435,00 KM, sa zakonskim zateznim kamatama i odbio zahtjev drugotuženog da se tužitelju naloži isplata duga u iznosu od 691.832,90 KM, koji je nastao po osnovu isplate bruto plate radnicima OJ Zavod za medicinu rada Željezare Zenica koji su se vodili kao zaposlenici drugotuženog u periodu od 01.08.1998. godine do 29.07.1999. godine.

Tužilac je odbijen sa ostalim zahtjevima kako je to utvrđeno dispozitivom presude.

Imajući u vidu činjenicu da se radi o prvostepenoj presudi kojom je naloženo zemljišno-knjižnom uredu Općinskog suda u Zenici da uspostavi ranije zemljišnoknjižno stanje kakvo je bilo prije provedbe navedenog ugovora i aneksa ugovora, kao i činjenicu da je prvostepena presuda utemeljena na materijalnim propisima i temeljito obrazložena, prema mišljenju ovog Ministarstva nije izvjesno očekivati da će stav drugostepenog suda po izjavljenoj žalbi prvotuženog biti u korist prvotuženog.

Imajući u vidu činjenicu da je u pitanju spor velike vrijednosti, kao i činjenicu da je prvostepena presuda utemeljena na materijalnim propisima i temeljito obrazložena, te da nije izvjesno očekivati da će stav drugostepenog suda po izjavljenoj žalbi prvotuženog biti u korist prvotuženog, ministar Ministarstva zdravstva predlaže Vladi Kantona organizovanje sastanka sa Kantonalnim poreznim uredom Zenica, koji je svojim rješenjem od 24.08.2004. godine utvrdio obavezu tužitelja po osnovu neplaćenih doprinosa, kako bi se eventualno pokušale iznaći druge pravne mogućnosti za konkretnu pravnu situaciju, a sve u cilju zaštite imovine Kantona.

Ministar zdravstva predlaže Vladi Kantona da usvoji predloženi zaključak, kojim se prima na znanje Informacija.

MINISTAR

dr Adnan Jupić

Prilog:

1x presuda Općinskog suda u Zenici broj: 43 0 Ps 143210 20 Ps 2 od 15.12.2021. godine,
1x dopis Ureda Premijera od 13.01.2022. godine i 24.03.2022. godine,
1x informacija Zavoda zdravstvenog osiguranja od 01.02.2022. godine

Broj: 11-14-2005-8/17

Zenica, 07.04.2022. godine